

आयोजित श्री रघुनाथ जी दी जम्मू आरती च हिस्सा लैता। एल.जी होंरें आयोजकें बक्खी आभार व्यक्त कीता ते गलाया जे अज्ज समर्पित मर्दे ते महिलायें आस्सेआ कीती गेदी ए नूठी जम्मू आरती भारत दी नारी शक्ति ते अर्दनारीश्वर बक्ख शाश्वत श्रद्धा दा प्रतीक ऐ ते कन्नै गै हर आत्मा गी दिव्य शीरवाद दिंदी ऐ। उ'नें गलाया मेरा पक्का भरोसा ऐ जे संजा दी आरती आत्मा दी अनुशासन ऐ। उपराज्यपाल होंरें गलाया जम्मू गी मंदरें दे शहरा दे तौरा पर भी जानेया जंदा ऐ ते इसी आध्यात्मिकता दे इक्क वैश्विक केन्द्र ते धार्मिक सैलसफे दे नक्शे पर इक्क मुख थाहरा दे तौरा पर पेश करने दियां कोश्टां कीतियां जा'रदियां न।

<><><><><><>

LG –Greetings

उपराज्यपाल मनोज सिन्हा होंरें नवरेह चेत्र Sukladi- Ugadi- Gudi Padava दियां लोकें गी शुभकामनां दितियां न। अपने सनेह च उपराज्यपाल होंरें आखेआ जे एह पवित्र त्योहार मुख भरै च मनाए जंदे न ते ओह नमें बरे दी शुरुआत न। उ'नें मेद जाहिर कीती जे एह त्योहार सब्बनें दे जीवन च खुशहाली- शांति ते खुशी लेइयै औन ते एकता ते आपसी भाईचारे दियें भावनाएं गी बल देन।

<><><><><><>

CM -Greetings

मुखमंत्री उमर अब्दुल्ला होंरें “चेत्र नराते” दे पवित्र मौके पर लोकें गी मुबारकबाद दिती ऐ। अपने सनेह च मुखमंत्री होंरें आखेआ जे नराते नमें बरे दी शुरुआत ते सच्चाई ते बुराई पर

अच्छाई दा प्रतिक न। उ'नें सब्बनें दी कामयाबी, खुशहाली ते भलाई-बेहतरी दी कामना कीती।
मुक्खमंत्री होरें नवरेह दियां बी लोकें शुभकामनां दितियां।

<><><><><><>

Dy. CM Greetings

उपमुक्खमंत्री सुरिन्दर चौधरी होरें बी अज्ज पहले नराते दे शुभ मौके पर लोकें गी मुबारकां दितियां न। उ'नें गलाया जे इस त्योहार दा धार्मिक ते सांस्कृतिक महत्व ऐ- जेड़ा झूठ पर सच दी ते बुराई पर अच्छाई दी जित दा प्रतीक ऐ। श्री चौधरी होरें इस गल्ला पर जोर पाया जे “नराते” लोकें गी धर्म दी टकोहदे तौरा पर पालमा करने ते दया- एकता सनें भक्ति दे मुलें गी मजबूत करने ताई प्रेरित करदा ऐ। उ'नें मेद जताई जे ए पवित्र मौका लोकें दे जीवन च अमन-रमानदारी- तरक्की- खुशहाली ते सकारात्मकता लेयाग, जेदे कन्ने पूरे इलाके च हिरख-प्रेम ते एकता दे बंधन होर बी निग्गर होगन। जल शक्ति मैहकमे दे मंत्री जावेद अहमद राणा होरें बी “नराते” दे शुभ मौके पर जम्मू-कश्मीर दे लोकें गी मुमारखां दितियां न। ग्रामीण विकास ते पंचैती राज मैहकमे दे मंत्री जावेद अहमद डार होरें चेत्र “नराते” दे शुभ मौके पर लोकें गी दिली शुभकामनां भेंट कीतियां न। ट्रांसपोर्ट मैहकमे मंत्री सतीश शर्मा होरें अज्ज दे पवित्र ध्याड़े दी ममारख दिंदे होई अपने सनेह च आखेआ जे नौ-दिन तग्गर चलने आहले इस त्योहार दा अध्यात्मिक ते सांस्कृतिक महत्व ऐ। ए त्योहार देवी दुर्गा दी पूजा गी समर्पित ऐ- जेड़ा नेहरे पर लौस ते झूठ पर सच्च दी जित दा प्रतीक ऐ। सेहत ते शिक्षा मैहकमे दियां मंत्री स्कीना इत्तु होरें भी लोकें गी “नराते” दियां शुभकामनीं दितियां न।

<><><><><><>

Div. Com Yatra

जम्मु दे डिविजनल कमीशनर रमेश कुमार होंरें इक बैठक च श्री मचेल माता यात्रा दी तयारियें दा जायजा लैता। डिव कॉम होंरें जिला प्रशासन सोयां यात्रा रस्ते- बक्ख बक्ख पैहलुएं बारे इक कार्य-योजना तयार करने लेई आखेआ। यात्रा लेई ऑनलाईन ते ऑफलाईन पंजीकरण करोआने- RFID कार्ड आहली सुविधा उत्थे शुरु करने ते यात्रा दा प्रबंधन- रौहने बौहने लेई सहूलतां- साफ सफाई- लंगर- मैडिकल आपातकालीन सेवा- बिजली ते पीने आहला पानी- पार्किंग वगैरा दी थाहर बारे बी व्यापक विचार-विमर्श होआ। यात्रा आहले रस्ते कश विकास कम्म- सुविधाएं दा बाददा- Mobile राबतें गी बेहतर करने ते यात्रा गी सूचारु ते रमानदारी बनाने लेई कम्मै- कारवाइयें दा बी जायजा लैता गेआ। डिव कॉम होंरें यात्री निवास- यात्रा रस्ते ते सैलसफा मैहकमे आस्सेआ तोड़ चाढ़े जा'रदे कम्मै दा बी निरिक्षण कीता। डिव कॉम होंरें सारे कम्म समें-सिर पूरा करने पर जोर पाया तां'जे औने आहले श्रद्धालुएं लेई एह यात्रा सुचारु ते रमानदारी आहली बनी सकै।

<><><><><><>

JMC Visit

जम्मु नगर-निगम दे आयुक्त डाक्टर देवांश यादव होंरें कल वार्ड नम्बर 26, 29 ते 66 दा व्यापक दौरा लाया- जेदे च टॉप शेरखानी, सुभाष नगर, Suryavanshi Nagar, लोअर रुपनगर ते मुट्ठी वगैरा आहले इलाकें आंदे न। दौरे दौरान डाक्टर यादव होंरें मुकामी लोकें कन्नै गल्लबात कीती ते उन्दियें समस्याएं गी सुनेआ। जिनें मुख मसलें गी उजागर कीता गेआ, उं'दे च पीने आहले पानी दी सप्लाई, फौरी तौर पर गलियें-नालें दा रक्ख-रखाव, पानी दी निकासी, गलियें च

चलाने, यात्रियों की सहूलत लेई खासे इंतजाम कीते दे न। यात्रा गी रमानदारी आहले ढंगै सिर करोआने लेई प्रशासन आस्सेआ मौसम सरबंधी हालात पर नेइमी तक्क रक्खी जा'रदी ऐ।

<><><><><><>

SHP -J&K

इक्क इयै लेया फैसला जेदे कन्नै जम्मू-कश्मीर ते लद्दाख केन्द्र शासित प्रदेशें गी बड़ा मत्ता लाह होग- केन्द्री कैबिनेट नै कल लौहकी पन-बिजली विकास योजना SHP गी मंजूरी देई दिती। इस स्कीमै ताई 2 जहार 584 करोड़ 60 लक्ख रुपे दा बजट रखेया गोआ ऐ। एदे कन्नै 1500 MW दी समर्था आहले प्रोजैक्ट लाए जागंन। इस स्कीम कन्नै टकोहदे तौरा पर उत्तर पूर्वी राज्यें ते पहाड़ी राज्यें सनें उनें जिलें गी फायदा होग- जिंदी सरहद अंतराश्ट्रीय बन्नै कन्नै लग्गदी ऐ। कैबिनेट दी इक्क बैठक मगरा जारी कीते गेदे इक्क ब्याने च गलाया गया ऐ जे प्रधानमंत्री नरेन्द्र मोदी हुंदी प्रधानता च लग्गी दी कैबिनेट दी बैठक च ए फैसला लेता गोआ जे तकरीबन 1500 MW स्वच्छ ऊर्जा समर्थ विकसित करने ताई बनाई गेदी 2 जहार 585 करोड़ रुपे दी नमी स्कीम तैहत लौहकियें पन-बिजली परियोजनाएं गी मदाद दे तौरा पर प्रोजैक्ट दी लागत दा 30 प्रतिशत तग्गर जां फी MW 3 करोड़ 60 लक्ख रुपे तग्गर दी रकम दिती जाग। अधिकारियें इस स्कीम गी जम्मू-कश्मीर ते लद्दाख, दौने केन्द्र शासित प्रदेशें लेई मती उत्साह आहली दस्सेया ते गलाया जे एदे कन्नै उनेंगी माली तौरा पर आत्मनिर्भर बनने च मदाद होग। ए स्कीम भारत दे उस मकसद गी बी बल दिंदी ऐ जेदे तैहत जम्मू-कश्मीर ते लद्दाख च दरेयाएं दे पानी गी देसै दी हद दे अंदर गै रखना ते उसी पाकिस्तान बक्खी जाने थमां रोकना ऐ।

<><><><><><>

J&K SCARD -Bank

सहकारिता मैहकमे दियां कमीशनर सैक्रेटरी यशा मुदगल होरें कल सिविल सचिवालय च इक्क समीक्षा बैठक दी प्रधानता कीती। बैठक दा मकसद जम्मू-कश्मीर इक प्रदेश सहकारी कृषि ते ग्रामीण विकास बैंक J&K SCARD दी मौजूदा स्थिति ते कम्मकाज दा जायजा लैना हा। बैठक दौरान सहकारी समीतियें दे रजिस्ट्रार होरें इस सरबंधें च व्यापक जानकारी दिती। इस दौरान अधिकारियें गी सम्बोधित करदे होई यशा मुदगल होरें इस गल्ला पर जोर पाया जे बैंक च चलने आहले टकोहदे कम्मकाज दी प्रक्रिया पूरी चाल्ली पारदर्शी ते तय समें-सीमा अंदर अगगें बद्दनी लोड़चदी- जेदे च सब्बै नियम-कायदें दी पूरी चाल्ली पालमा कीती जा।

<><><><><><>

IMD-Weather

मौसम विभाग नै जम्मू-कश्मीर ते लद्दाख च कलै तग्गर बड़ी तेज बरखा दा ऑरेंज अलर्ट जारी कीता ऐ। दिल्ली,पंजाब, हरियाणा, हिमाचल प्रदेश, उत्तराखंड, राजस्थान, चंडीगढ़, छत्तीसगढ़, पूर्वी मध्य-प्रदेश, मध्य महाराष्ट्र, मराठवाड़ा, ओडीशा ते पश्चिमी उत्तर प्रदेश च अज्ज एनगड़े कन्नै बरखा बरने दा अंदाजा लाया गया ऐ। आंध्र प्रदेश, गुजरात, मध्य प्रदेश, उत्तरी अंदरुनी कर्नाटक, तेलंगाना ते विदर्भ च बी अज्ज इयै लेया मौसम बने दा रौहग। समुन्द्री कंडे आहला कर्नाटक, कोकण, गोवा, तमिलनाडू, पुदुचेरी, कारइकल, झारखंड, केरल माहे, पश्चिम बंगाल, सिक्किम ते पूर्वोत्तर राज्यें च बी अज्ज बरखा बरी सकदी ऐ।